

MINUARTIA.

9. MINUARTIA *dichotoma* foliis fetaceis, caule simplici erecto, floribus sessilibus confertim dichotomis.

Habitat Madriti in collibus extra pontem Toletanum sat copiose.

Planta minima, vix unquam ultra altitudinem uncialem.

Radix annua, tenuissima, simplex vel ramosa, fibrillis paucis.

Caulis sæpe ungue non major, simplicissimus, (rarius ad est ramulus ex radice ferior) erectus, superius ad flores dichotome subdivisus; dichotomiis brevibus confertis.

Folia opposita, subulato-fetacea, basi latiusculo striata, erecta, adpressa, totum caulem tegunt.

Flores sessiles in dichotomiis, solitarii, ab dichotomiis confertis, æqualibus, constituunt capitulum turbinatum, caulis ipse longitudine, supra æquale, quadratum, rigidum, post totam florescentiam contrahitur, rigescit magis (Anastaticæ instar); hinc fructus ob ramulos dichotomiæ adpressos lateraliter compressi.

Bractæ sunt folia longa, fetaceo-subulata, floribus duplo triplove longiora, rigida.

CAL. *Perianthium* pentaphyllum, erectum, sub florescentia ipsa vix patulum, sed cylindricum, alias semper clausum: *foliolis* lanceolatis, acutissimis, lateribus submembranaceis, rigidis.

COR. nulla, sed *Nectarii* glandulæ aliquot, obscure (5) intra calycem elevata, interdum bifidæ.

STAM. *Filamenta* tria, brevissima. *Anthera* didymæ, filamentorum duplæ magnitudinis.

PIST. *Germen* ovatum, parvum. *Styli* tres, basi conjuncti, staminum altitudine. *Stigmata* simplicia, crassiuscula.

PER. *Capsula* longo-ovata, lateraliter (h. e. e regione ramulorum dichotomiæ) compressa, calyce tertia parte minor, unilocularis.

SEM. nonnulla, compresso-subrotunda, latere uno levissime emarginata.

Color Floris herbaceus.